

ՀԱՅԿԱԿԱՆ ՍՍՌԻ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ Մ. ՐԲԵՂՅԱՆԻ ԱՆՎԱՆ ԳՐԱԿԱՆՈՒԹՅԱՆ ԻՆՍՏԻՏՈՒՏԻ 4-ՐԴ ԳԻՏԱԿԱՆ ՍԵՍԻԱՆ

Վերջերս տեղի ունեցան ՀՍՍՌԻ Գիտությունների Ակադեմիայի Արեղյանի անվան Գրականության Ինստիտուտի 4-րդ գիտական սեսիայի հերթական նիստերը՝ նվիրված սովետական գրականության հարցերին:

Սեսիայի երկրորդ նիստում նախ հանդես եկավ բանասիրական գիտությունների թեկնածու էդ. Թովիշյանը. նրա զեկուցման թեման էր «Սոցիալիստական ռեալիզմի պրոբլեմները»: Սովետական գրականության ստեղծագործական մեթոդի, — ասում է զեկուցողը, — սոցիալիստական ռեալիզմի սահմանումը տվել է ընկեր Ստալինը: Սոցիալիստական ռեալիզմի մեթոդի բնորոշման մեջ խորացվել և կենսագործվել են մարքս-լենինյան էսթետիկայի հիմնական սկզբունքները գեղարվեստական գրականության ռեալիզմի, պարտիականության և ժողովրդային բնույթի մասին: Ինչպես սովետական հասարակությունն արմատապես տարբերվում է մարդկային պատմության նախորդ դարաշրջաններից, այնպես էլ սովետական գրականությունը և իրականության գեղարվեստական արտացոլման նրա մեթոդը արմատապես տարբերվում է կլասիկ ռեալիզմի ստեղծագործական մեթոդից:

Սոցիալիստական ռեալիզմի նախակարապետը մեր գրականության մեջ Հ. Հակոբյանն է: Դեմիրճյանի և Զորյանի ստեղծագործությունները ձևավորվեցին նախառևտրուցիոն հայ գրականության ռեալիզմի անկման պայմաններում: Սովետական իշխանության գոյության առաջին իսկ տարիներից Դեմիրճյանն ու Զորյանը հաղթահարեցին հոգեբանական ռեալիզմի սահմանափակումները՝ հետագա իրենց բեղմնավոր գործունեության ընթացքում տալով մի շարք նշանակալից երկեր:

Սոցիալիստական ռեալիզմի կենսագործման բնադավառում ավելի ցատուուն են սովետահայ պոեզիայի նվաճումները:

Սովետահայ գրականությունն րստեղծել է մեր ժամանակի առաջավոր գաղափարներով տոգորված նշանակալից երկեր, բայց եղած արտադրանքը դեռ հեռու է մեր ժողովրդի էսթետիկական բարձր պահանջները բավարարելուց: Սովետական ժողովրդի կենսական շահերը պահանջում են, որ գրականությունը բարձրանա նոր աստիճանի, մինչդեռ մեզ մոտ կենտրոնի որոշումներից ամիսներ անց հրատարակվում են մեծածավալ երկեր, որոնք արտահայտում են միանգամայն անընդունելի, արատավոր գաղափարներ: Սոցիալիստական ռեալիզմը պահանջում է իրականությունն արտացոլել իր ռեալիզմի գարգացման մեջ, իր անընդհատ նորացման ընթացքում:

Այնուհետև նույն նիստում «Դրական հերոսի կերպարը սովետական գրականության մեջ» թեմայով հանդես եկավ բանասիրական գիտությունների թեկնածու ընկ. Ս. Հարությունյանը: Սովետական գրականու-

թյան և արվեստի կենտրոնական հարցը, — ասում է զեկուցողը, — դրական հերոսի կերպարը բարձր իդեալականությամբ և խորը արվեստով կերտելու հարցն է, հետևաբար սովետական մարդու, դրական հերոսի կերպարի մեկնաբանության խնդիրը զառնում է սոցիալիզմի էսթետիկայի հիմնական խնդիրներից մեկը, մեր գրականության և արվեստի մեջ սովետական մարդու կերպարը իրական, դրական և իդեալական հատկանիշներ մարմնավորող մարդու կերպարն է:

Այս զեկուցումների առթիվ բացված մտքերի փոխանակությանը մասնակցեցին ընկ. ընկ. Հր. Քոչարը, Ռ. Վարդազարյանը, Հմ. Սիրասը, Հ. Իյուլիքեվսյանը, Ա. Կարապետյանը և Սր. Քոչարը:

Սեսիայի երրորդ նիստում «կլասիկ ժառանգությունը և սովետական հայ գրականությունը» թեմայով հանդես եկավ պրոֆ. Հ. Գյուլիքեվսյանը. Հիմնական գծերով տալով կլասիկ պոեզի ընդհանուր հատկանիշները զեկուցողն այնուհետև հանգամանորեն ցույց է տալիս, թե ինչպիսի տրագիկոսներից պետք է օգտվի սովետական գրողը: Այնուհետև նա անցնում է կլասիկ ժառանգության գրական տեսակների զարգացման ու հարաբերության խնդրին, կանգ առնելով հատկապես սովետահայ պոեզիայի ականավոր դեմքերի վրա: Մի շարք բնութագրումներով նա տալիս է նախի Զարյանի, Գեղամ Սարյանի, Աղոթոն Տարոնցու, Սարմենի, Սուրեն Վահուհու, Հովհաննես Շիրազի, Գուրշեն Բորյանի, Սիլվա Կապուտիկյանի ստեղծագործական դիմանկարը, ուրվագծում նրանց ստեղծագործական առանձնահատկությունները: Սովետական գրականության զարգացման ներկա էտապում, — ավարտում է իր զեկուցումն ընկ. Գյուլիքեվսյանը, — մեր գրականագիտության և քննադատության առաջ դրված են բազմաթիվ խնդիրներ. որոնց մեջ կլասիկ ժառանգությանն առնչվող խնդիրները հետին տեղը չեն գրավում:

Վերջում «Ռուս գրականության նշանակությունը սովետահայ գրականության համար» թեմայով զեկուցում կարդաց ինստիտուտի ավագ գիտական աշխատող Արտ. Կարինյանը: Նա ցույց է տալիս, որ ռուս առաջավոր գրականության ամենասպալծառ հատկանիշը եղել է հումանիզմը: Խոշոր են ժամանակակից ռուս գրականության նվաճումները: Սովետական գրողները նորից հրապարակի վրա են դնում դրական հերոսի պրոբլեմը, մի հանգամանք, որ հրակայական բարերար ազդեցություն է գործել սովետահայ գրականության վրա:

Զեկուցումներից հետո բացված մտքերի փոխանակությանը մասնակցեցին ընկ. ընկ. Հ. Համբարձումյանը, Հմ. Սիրասը և Ռ. Վարդազարյանը: Վերջում հանդես եկավ Գրականության ինստիտուտի դիրեկտոր ընկ. Խորեն Սարգսյանը, որը ամփոփեց սեսիայի արդյունքները: